

غناوى بموت الحق

شعر

نجوى السيد



هبة النيل العربية للنشر والتوزيع

غناوی بهوت الحق

حقوق الطبع محفوظة

الطبعة الأولى
١٤٢٨ هـ - ٢٠٠٧ م

مدخل

أداويكى
يا علة الأوطان
بنوحى ولا بالأحزان
ملبش قلب نبضاتى
يا صوت الحق
رميت شمعاتى واتلفلفت بالنيران
وروحى كانت القربان
نعيت اھم من بدرى
وكان ندرى
أحب على الإدين اللى

تداوى الجرح والعله
تداوىكى من اللى يىكى تشفىكى
أهنى نَفْسى وادعيلك
ما تانى تصيبك العله
واغنيلك
غناوى عاشقه
صوت الحق

سَطْرُ الْكَلَامِ

إفتح الشباك .. وطيرَ
كل عصفير المنام
وابتدى سطر الكلام
إنقش الأحلام ..
بمنقاش المحبه والسلام
رصها في صاج المنى
هذى نار القهر ..
واتسلى بدقات الغنا
بس ما تطوّل ..
لتلقاها في لحظه اتفحّمت.

.....

إبتدى سطر الكلام
بالتاريخ اللى انشطب
كل قرن وله حطب
كل ما تهدى النيران :
يبقى محتاج للمزيد
وان طفى واهد :
إبيه من جديد
جل م يطيب الطعام
جل ما نقبلشى طعم اللحم نى
جل ما نقتلش ف الولد اللى جى
جل نذكر : الله حى
صاحى .. مش ممكن ينام
بعدنا عن ذكره سر الإهزام
إبتدى ...
سطر الكلام.

شهادات النصر

أتمنى ..
لا أكون شكّايه ولا بكايه
لا كن جوايا
نبضات ، دائما بتثن
وتفصل من خيط الصبر
أتواب الحزن
وتعبى عصير الصبار
فى نفى العين
تحنقها سيرة الأفراح
علشان الأفراح

دأبما نساياه وما بتسألش
وإن غلطت وزارقتها وسألت
زيارتها، ما تطوّلش
وأنا رافضه أزيّن صور النصر
بشرايط، لون الليل
وساعات
بانسى ، وباغنى، لحن لصُبح جميل
واعيش لحظات الرقطة ناسيه وصايا النبض
واصحصح فجأة على فيضان
لعصير صبار
بيغرق كل خلايا الوش
ويجربى لحد ما يسمع صوت
مواويل النصر
ويهدى، مهدود من طول الرحله
ومن حزن المواويل
ولا مركب عدت

ولا حد اذكر نوح
يا صوتي المبحوح
من كُتر ندايا ، على اللي بيعوق،
لما يروح
اتلخبط جوايا قاموس الفهم
واتلجلج نبض كرات الدم
سقطت شهادات النصر
من جوه البرايز
والحيطة الخرسه
نطقت بكلام
ماهش مفهوم
— (حق شهادات النصر
ما طاقش عيشتها الصبر —!؟)
وانا كل ما اشوفه حيشق التوب
أداديه ..
وأطمئن فيه
ألاقيه

بيغلط نَفْسُه
ونفسُه
يسمع حكاياتي المدفونه
جَوه النبضات
أحكيه يضح
وأخاف ليهج
أكتم في الصوت المخبوق
وأحاول الوَّن صوتي بلون،
زغاريد الفرح
وأتمنى
لا أكون شكَّايه ولا بكَّايه
أتمنى
أَتخلص من نبضات القلب.

لحظة سِلَم

قضيت العُمر
إن جاني الفَرْح
أشيله لوقت العوزة
وإن جاني الحزن
أصرفه في الحال
ولا عمر هزمني محال
ولا عمري أخذت
إلا وأنا بادي
ولا عُمرى ادبت ع القد
ومشيت،
ووصلت ..

شافت قدميني ، على قد ما شافت

لا كن ما وقفت

وانا ياما استغربت

ع اللي نايمين

واتمنوا يدوقوا الشهد

عافرت

ولآخر أنفاسي

ما استخسرت

وأفوق

القاني بعد ده كله خسرت

الفرح اللي حوشته لوقت العوزه

عتّ ودّود م التخزين

ولا عادلي غير مواويل الحزن

والنبض المهدود

من جرى بقاله سنين

وانا ياما استغربت

ع اللي عايشين الفرحة الطازه

صَرَفِيْنَهُ أَوَّلَ بَاوَل
والحزن يفرقوا منه على الاحباب
ويقولوا : قبوله ثواب
أتاريهم فازوا باللى اتمنيته وطار
ماعدت أعافر
وأكريج قديمى
واكتم فى الصوت، من عزم الآم الأشواك
ماعدت أحوش لحظة فرح
لو هلت يوم
ما عدت ألوم ، على حد
ولا اطالب بالحد
للى عايشين ، يرسموا أحلام
فى منام ولا ينعوا هم الحلم
هديتى سنين الحرب
محتاجه لحظة سلم.

لا عتمة ولا أحزان

يا شمس يا متكحله
بالعتمة في عز النهار
يا دقه باب الدار
إزاي أغامر بالقرار
واركب حُصان القرار
متبحره الأفكار
وازاي الملمها، علشان أعلمها
تفهمنى وافهمها
ياما خدتنى ف حُصنها الكوابيس
لاكن كابوس اليوم

أنا ما رأيته ف نوم
منصايه أحلامي برصاص اليأس
مقتله ، مشنوقه من غير ذنب
يا شمس يا متكحله
بالعتمه ، فوتيني
ولا تنطقي بكلمه ..
أنا كنت انادى عليكى
عز ، عز البرد
واحلفك، لما تجيى، ما قدنيش مناديل
نسيق حلفائى
وجيى من تانى
متكحله عتمه
ومكومه المناديل
جوه شط سفرك
بتدقى بابى دق،
عشمانه أفتحلك
ورافضه تنصرفى

مهما تدق وتركى الاصرار
أنا باقولك لأ،
وان بابي قلبه رق
ح افوت لكم المطرح
ومسرى يوم النجح
واعتر ف أحلامى
لا عتمه ولا أحزان
عاشقه مواويلى
وساعتها حتجيلى
أفتح لك الأحضان..

حملی مشیننی

حملی مشیننی

لا قادیرة اخفه لحظه واتخفف

ولا قادیرة أعتب ع اللى حَمَلَنی.

.....

باغزل فی توب الرضا

واسرح مع الأيام

ألقي خيوط صبری

إتشبكت منى ..

محتاجه طولة بال

محتاجه ميت موال

محتاجه للحلال

يخفلي الأحمال.

.....

ياتوب رضايا .. يا خيوط الصبر

كل العيون :

هتتنى يوم النصر

والنصر تمه سنين

ألوانها : حلو .. ومر

والمر كان يحلى

في كل لحظة نصر

والدمع متى يفر

نقفل حكاياه ونبتدى غيرها

سكة سيني : ما أغيرها

وان شفت عيني ترف

أخاف على حملى

وأخاف على حملى

لو فت له حملى ..

يتعب .. ولحظة ينخ.

....

قلبي ماهش خواف
تعب معايا وشاف
ما همني قصر اللحاف
ولا هنزي لما انكسر مجداف
والموج يشيل ويحط
وانا حلمي آخره شط :
لابد أوصل له
والحلم مش كدبه
مادمت قادره أهم
مادمت رافضه ..
يشتريني الهم
مادمت باغزل ..
توب رضايا رغم :
لهولي كعبلة ..
خيوط الصبر في إيديا
وان كان بقالي كتير ..
بانده عليك يا شط :

يبقى باقى لى قليل ..
واسمع أنا صوتك.

النور

النور ...

عمره ما يختار

لو حب يخش الدار

بيعدى السور ..

ويزرق ..

ما تحوشه ضلوع الشيش

إلتسنكر بالمسامير والشواكيش

والشمس ..

مابتخبيش الوش

علشان محتاجها الكل

وان حد ضايقها ..

صابره .. ما تفضبش
واهى دائماً فوق
دائماً تدى على طول ..
ما تاخذش
ما تخافش ..
إلا م الرب اللى خالقها
وأمرها تجود بالخير
والسر ان كان ..
مدفون فى البير
بيخوف بس اللى دفنوه
وانا بدى أعدى فى شعاع نور
أختصر الوقت
من غير ..
ما ألف وادور
واعرف بالضبط :
إيه المدفون فى البير؟
وأدينى عرفت

مليان بضمائر إتفقت

على بيع الحق

على سجن الحق

على شق الحق

إتفقت ..

تبني وتعلّي قصور الرعب

وتسلسل كل لسان غضبان

والسر ..

ماعدش مكفّيه البير

البير طفحان

والشمس بتسأل رب الكون :

راح تذى الكل لإمتى؟

وازاى يتمتع بدفاها ..

كل الملى يخون؟

ويجيها جواب :

(الصبر على المدفون

عَلّه يصحى قبل ميعاد الفصل

ويعود للأصل
يدفع .. ويرجع كلمة حق
يطلقها من الزنازين
ويكتف حكم الشنق
يتبدل كل الكذب بصدق
تنهد قصور الرعب
ويسبح كل لسان
كان متسلسل غضبان
والبر الطفحان ..
يرتاح حبه من الطفح
ويشيل الغمه ..
ويفتح إلى ما ييشوفش
يندم ..
يتمنى ينول الصفح
الشمس اعتذرت
لما سألت ..
لما اعترضت ع الحكمه .
.....

ريح أفكارك
ولا تدخل بها الحرب
دى الحكمة نظمها الرب
وان كنت فصيح
شوف لك مفاتيح
تفتح للحكمة بيان القلب
ومادمت صناعة رب الكون
يبقى ما تشطحش
ولا تعمل وحش
والحق .. رد من السكه ..
بتاعة اللى ما يرجعش
لو طفشت روحك ..
وانت مازلت مغمى عنيك
يبقى الحق عليك
وآديك ..
تقدر تختار
وتصحح ورقة إجاباتك ..
بأيديك.

فَصَّلْنَا نُكْتَتِنَا

كل اللي كان نكته زمان

صبح حقيقه ..

والمخبي كله بان

قال اسماعين يا سين

أنا حاشترى الترمای

ضحكنا .. قهقهنا

ودبدبنا برجلينا كمان

لو كان طَوَّل عمره

كان اشتراه منا

كان اشترى الأهرام ..

والقلعه .. وابو الهول

وكان على البيعه ..

خذ منا نهر النيل

وخذنا لجل الخدمه ..

بس ندفع له

وان حد قاوح ..

يضره بنعله

عظمت مصيبتنا

علينا ضحككتنا

وصرخنا وسكتنا

وسكتنا .. وسكتنا

قتلنا بعضينا

عوضنا صرختنا :

فصلنا نكتنا

ولما قلناها ..

لقيناها .. بكتنا.

حكاية صديقين

[كان أحمد عمر الحنة الفلسطيني زميلاً لولدى محمد من الحضانة إلى نهاية المرحلة الإعدادية، بعدها سافر مع أسرته إلى فلسطين ، وانقطعت أخباره منذ أحد عشر عاماً ، ويكي محمد كلما تذكر أحمد .. صديق العمر]

كان ويايا جوه الفصل
أحمد صاحبي .. وصديق عمري
كنا نرسم سوا أحلامنا
ونلوّنها بلون الورد
كنا بنضحك ع المهموم
وينستغرب ع الحزنان
(ليه مش قادر يشتري فرح؟
رغم الفرح ساعتها ياناس ..
كان بيلاش!!)

كنت انا واحمد
نكبش منه ..
نبدره جوه قلوب الكل
ولا نرتاح ..
إلا ودمع الفرح ..
ييملى العين ويفر
كنا صغار
نجرى ..
وتجرى الفرحه ورانا بالمشوار
لما كبرنا
أحمد فاتنى وهج وراح
قال لى : أبويا هناك طخوه
فى فلسطين
وسط خواتى وقدام أمى
يحرم فرحى
ويرخص دمى
حتى آخذ له بتاره يا صاحى

قاللى : اعذرني
انا لازم أرحل
حاركب غلى لحد ما أوصل
واشنى ...

إلى هناك قتلوه .

.....

إنشئ القلب الحزنان
جوايا ساعة م فارقى
قلت له :
خدى هناك .. وازرعنى
أتمدد ..

وانبت أشواك
ما تطيقها قدم الغادرين.
قال لى : يا صاحى ..
شايلك للعوزه ، وصدقنى
وكمان شايلك جوه ف قلبى.

.....

بس خلاص ..

أحمد فاتنى
وللم كل الفرح معاه
وانا لا قدرت أروح وياه
ولا أنساه
بيعذبني ف حلم فماری ..
وحلم الليل
كل ما احاول أفرح ..
ألقي الفرح عليل
بدى أمد إيديا .. واسلم
تاني عليه
وافرح لحظتها من القلب
زى زمان
بدى أزوره فى فلسطين
وأصلى على الأرض وابوسها
وأحطم كل الزنازين
جل م يخرج منها ف يوم
إلحر المتكتف بيها

واللى يفدى ..
تراب الأرض بقاله سنين
بدى لحظة نهر حبيبه
تجمعنا إحنا الاتنين
تبدأ م النيل المهزوم
وتعدى لأرض فلسطين.

المسجد الأقصى

ما عُدتِ يا فيروز ساكنة بغناويكي رداوينا
ما عُدتِ بتنادى على القدس اللى ما عادت
خلاص لينا
دفعنا كل ما نملك
وحتى الروح ما غلينا
ولسانا بنتوضا
وصوت المسجد الأقصى ينادينا
بنتمى نصلى فيه
ولسانا ما صلينا

•• •• ••

ولاد العم ما عادت إديهم حزمة القوه
ولاد العم ما عادت قلوبهم سامعه
نبض الأرض
ولاد العم ما عادت، عيونهم حارسه باب الدار
وجلجلت الرداوى باللى ما يشرف
دفعنا كثير
دفعنا كل ما نملك عشان الدار
وغيرنا باع
ولما قمنا ناخذ تارنا بإدينا
فى كل جرايد الدنيا
بكل الجرم وصفونا
وأهدروا دمنا ولا حد حاسبهم
قضيتنا بسيف الغدر دبحوها
جرينا نداوى فى جروحها ونحيبها
قضيتنا
بقالها عُمر دبحانا وأرواحنا بتفديها
حلفنا باليمين واديننا ماخنا
وقيدنا فى جسدنا النار

وروحنا للى فب الدار
تَقْتَلْ غدره أرواحنا
رعبنا قلبه راح يقرى خطوط كفه
وكل شيطان بقى ف صفه
قصادنا كلهم وقفوا
ولسانا بنتوضا
وصوت المسجد الأقصى ينادينا
بنتمى نصلى فيه
ولسانا، ما صلينا.

يا بصره .. لا

يا بَصْرَه نوحى ع اللى راح
وعبى قلبك المهزوم
دموع لوها بلون الدم
وفصلى كل أتوابك، بلون ليلك
وهاتيلك غراب نواح
يا بصره .. لا
كفايه نواح
أنا وانت لابد نفوق
وإن كانوا الغيلان حاوطوا رقابنا بطوق
هيجى الدور

وتتجاوز رقابهم بأطواقهم
تشتقهم مشانقهم
ومن تاني
نقيم الزينه ، ونعلق لك الأنوار
غناويكي تعود ليكي، تناديكي
يا بصره ، يا حره
يا شمس الأدب والعلم
تناديكي غناوى السلم
بعد ما تقتلى الغيلان
يفر جبان وبعده جبان
ستين القهر مهما تطول
في لحظة نصر راح تبقى ، ألم ذكرى
ومن تاني حترقص رايتك الحره
وحينوح اللى بكاكى
وخلاكى
تصاحبى القهر وانت كارهه
دى الصحبه

وخلاكى
بتوب الحزن تتلفى
ويقتل عزمك العله
يا بصره لا
حيجى بُكره وحشفي
وما تخافى
ده ربي للعلل شافى
ده حُصنك يا وطن دافى
إذا ما بعث لحمك أو رضيت لولادك السُخره
ده لون بُكره
بكفك إنت لوئته
وشكلته وكونته
وادينا جوه لوحاتك
بنهتف يومى بحياتك
ياريت صوتك يقول كلمه
يكون فيها الشفا للكل
[وطنكم حُر
ولا يقبل حروف الدُل].

مواويل النواح والحزن

فلسطين ابتدت بيكى
مواويل النواح والحزن
ولبنان اللى كانت حيطه ساندكى
أهى مالت وحالها يحن
وطالك ياعراق اللى دبح حلمك
شرب دمك

وريله إالى قلبه يحن
ومين اللى عليه الدور
وكفه راح يشيل كفنه

يروح للغول، يحب على القدم والكف

وحلم الغول ما يتبدل
ولا لحظة حيثأجل
ينشن ع اللى ناوى يملك داره
وعارف كل أسرار
ويا ما ، سلطه ع الخلق
ما قال له لأ
ونفذ أمره وطاؤه
ومين اللى عليه الدور
مين اللى صدق إنه لحظة الطوفان
حيطلع ع الجبل وحينجى ما يفرق
ما هُش محتاج سفينة نوح
ولو جت له
حيرجها
ومين اللى عليه الدور وبعده مين
ماؤمنا رفضنا نبقى حزمه ضمانا
كرامه وحق
ما نستغرب

إذا حكموا على أحلامنا يوم بالشنق
وخطوا فوق أراضينا
خرايط للطمع فينا
وطلقوا كلابهم السعرا نه تسلى
بأجسادنا
ولما شعوا واحنا لسه فينا الروح
بطين وتراب
ودفنونا.

صدقني يا خال

وما دام ...
ما عادتش اللقمة حلال
إياك تستغرب ع الأحوال
صدقني يا خال
أنا كل ما اهم :
أشيل اهم
واهم كتيب الفال
ما عادتش العصافير ..
خايقه من الفخ
ولا عاد يرعها الصياد
من بعد ما قاموا عليها الحد

وانهدر الدم
خافين .. تقتلنا العصفير !!
واحنا الأموات
وان كنا صحيح عايشين :
فين الأصوات ؟
كان لينا زئير
وما كنا كثير
دلوقت بنكثر ...
وبنتخفى من الموت ..
فى ساحات الحق
والموت دائماً يختار
ولحد الباب .. ويدق
بينفذ حكم ..
وقلبه على المخاليق ..
ما يرق
ولا يخفى عليه
ولا يترك حق التنفيذ ..

مهما حتديہ
طب ليه ..
ما عادتشی اللقمه حلال؟
خفنا العصافير
وجراد يبطير
وملينا كاساتنا وغنينا
حوالين التورته اتمشيننا
وليسنا كمان طراير
سحرتنا شيطانه تقول وتعيد
ولكل ما يغضب ربنا عيد
صرنا الخدام
ما بقالنا مقام
وليسنا لجام
تمن اللعنات
حسابات بتزغط في الحسابات
نغرق .. ونلم فتات
والخير ما نطوله ..

لو صوتنا صوات
تتكوم من فوق راسنا ديون
والأرض تهون
وديارنا تهون
على كل حلال ..
أعلننا الحرب
ما عدنا بنملك غير الذنب
ونفسنا ..
صبح مرهون.

فُضُّوْهَا حَكَآوِي

(فلما استحكمت حلقاتها)

دعينا بالفرج ييجي بقى

دعينا ييتدى يوم اللقا

دعينا ..

بس مائلنا القبول.

ولسانا بنشكى م الشقا

ما غيرناشى ..

(ما بأنفسنا)

وسرحنا ..

جميع جيشنا

وينطالب يعدّها

يحاسب ..
إلى مئلا ..
وباع نلها
وبنطال يسلها
يفك الكرب ..
يغزى الغرب ..
ينصرنا وعلنها
وبنطال ينجنا
يداونا
ولا فى الضيقه يرنا
غشاوة عنا ...
يخلعها .. ويهدنا
وبنطال ..
وبنطال ..
لكن إحنا عملنا إيه؟
وقيدنا اللى مكفنا ..
ما حاولناش نفكه ليه؟

ناقصنا إيه ..

عشان نبدي ؟

إذا كنا بدينا ..

كنا نستاهل ..

يعتل كل حال مايل .

.....

وفضوها بقي حكاوى.

وفضوها بقي حكاوى.

جوه حلقات الدرس

الناس ..
مش كلها نفس اللون
ولا نفس الصوت
واهو كل قدم له مقاس
ناس .. بتقشر تفاح
ناس تنحت في البطيخ
ناس .. تتنقل بحمار
ناس وصلت للمريخ
وأدينا ياعم الشيخ
جوه حلقات الدرس

مش فاهمين عايز إيه؟
ودخلنا خرجنا بإيه ؟
إيه رأيك فى الحوادث ..
واللى احنا وصلنا إليه ؟
بتبخلق ..

ولا تنطقش
وحاجات ياما ما تنطاقش
ومغازل خيط الصبر ..
قدمت ..

واهى ما بتغزلش
والكاس أبو سكر .. مر
نشرب منه ما يخلصش
ما احناش عارفين مين فينا ..
إلى لسه ما غلطش؟
على مين حنقيم الحد ..
وقمنا ..
ماهاش حد؟!!

مين اللى حركب فرسه ..
ويشد لجامه شد ..
ما ينطش من سور قلعه
يجمع كل العامين
وف بحر الطهر يغطسهم :
يخرجوا طاهرين
يبدوا طريق الغفران
ووراهم طوب الأرض.

إنت نويت على إيه

مش شرط ف كل منام
تتقابل ويا الأحلام
أُمّال فين الكوايس ..
إللى بتتخاق طول الليل وياك
وتحارب ..
جلل تزفك وانت عريس؟
... ..
الفرح رقيق القلب
دائماً يشعر بالذنب :
لو حارب مره الحزن.
والحزن ..

إن عشت جوه المهزوم
راح يبقى خروجه صعب
والنصر عشان ..
يتسمى : النصر
لا بد تكون له ذريه
من دمه .. ومن صلبه
متخرجه من ساحات الحرب
واللى ما يمدش الله ..
بيعيش فى الكرب
وأدينا ..

حامدينه

شاكرينه

صاحي .. ما بيغمض عينه
بس احنا اللى ما بنشوفش
فهر م النور ونحو
ونحب الليل الاسود
علشان ستار وحليم .

... ..

ربك رحمن ورحيم
وبتنوى .. وهو يعين
بس انت نويت ..
على إيه؟!

المشائق

المشائق ..

مين يعلقها لمين؟

كلهم حلفوا اليمين

بس طلّعوا كدابين

واحنّا ما حلفناش ..

وما مشينناش وراهم

بس هم بدّهم ..

لو وقّعونا في الكمين

كلهم جوه السباق

ده بيخطف

ده بينهب

ده مخرج مدبوحين
كلهم جوه السباق
يكبشوا ويعبوا .. واحنا
بره نتفرج ..
وبنعى قلوبنا
صبر يكفيننا ..
إذا عشنا السنين
كل ما لعبوا : نئن ..
وهم ييغنون ..
على صوت الأنين
كل مال سايب يعلم
والمعلم ..
قال دا مالى ومال عيالى
شجع الصبيان .. واديهم
بعد ما لعبوا كروشهم ..
منفوخين
كلهم بعد الغنايم ..

راح يكونوا معلمين
كل واحد ..
كان مفصل توب يادوب
ما اكتفاش يبقوا توين
خزن المصنع ..
وعبي غيره بعده
الدولاب طفحان ..
بيشكى م اللى فيه
مين حيلحق يوم بعده .
والشوارع كل يوم ..
تحتفل ...
بتخرج المتسولين .

صندوق الصدقات

كان بدء ..
يترسق ويعيش
في تبات ونبات
يدفع مهره لست الحسن
من كدّه .. ومن عرقه
مش من صندوق الصدقات
كان بدء ..
تبقى حياته غيطان للقمح ..
ببمبيل ..
لما تجوع العصافير ..
تشبع وتطير

ولا يوم ينجى عليها تموت ..

م الجوع

كان بده يغير في المواويل ..

صوت الأحران

كان بده .. وكان

لكنه لسه بيدور

على لقمة حلال

على حظ ..

يعدّل له الحال بالحال

على أرض ما تطلبشى ..

منه الترحال

ويعشش فوقها اللحن القوال

لسه بيدور ..

ومحيره ألف سؤال وسؤال

واهو لما احتار ..

نادى على جملة والجمال

ضحكوا .. وقالوا له :

شوف حاجه مودرن

ما عدنا بنفهم فى الأمثال
عايز تترستق وتعيش
شوفلك شغلانه بالبقشيش
وبلاش حكايات ..
لتاريخ اهو عدى وفات
إلحق خد لك ضربة حظ
دى اللحظة اللى تعدى ما بتجيش
وكفايه كلام فى حلال وحرام
كل دا أوهام
ونصيحه : ورا وهمك ما تجريش
إجرى ورا مصلحتك
واياك تعمل درويش.
... ..
لكنه قال :
إن كان دا الحال..
حافضل درويش.

الدُّنْيَا مَرَاجِيحٌ

الدنيا مَراجيح
إوزن نفسك ..
أحسن ما المرجحه تطيح
والريح ..
ما تعلّش المَراجيح
إنت اللي تعافر
وتنخ .. وتفرد طولك
تتحرك بيك المرجحه
تنزل .. تطلع
تطلع .. تنزل

كل ما تنزل أكثر وأكثر
تطلع .. تطلع
لكن حاذر
ما تأمن للمرجيحة .. ولا تطمع
مش دائماً ..
راح تفضل تطلع
بعد ما تحذفك المرجيحة
على آخر طول الحبل
راح تتشقلب
راسك تسبق قدميك
تنزل ولا تطلعش
تنهد ولا تقومش
تتمرجح أحلامك منك وتطيح
الدنيا ..
مراجيح

فى الؤش مرأيه

فیه ناس
بتهادى الناس
دأیماً بالحنن
وتفكر طول الوقت
إزأى : تسرقهم م الفرح
وتفتش دأیماً ..
جواهرهم ع الجرح
علشان تحیه
إن كان اتلم وطاب
أول ما تشوفهم :

تقدى صورها للألبوم
وتقول أحباب
فى الوش مرايه
زى ما قالوا فى الأمثال
لكن فى الضهر :
فدادين سلايات وسهام ونبال
والسلم درجات
محتاج تطلعه بشبات
علشان ما تقعش
واهو كل ما تطلع درجه
يتألموا .. يترعبوا لتطلع ..
واحده كمان
دائماً ..
رايحين جايين يلعنوا فى الحظ
ولا لحظة يهتموا عشان ..
يوصلوا للحلم
وان شافوا الحلم يقرب منك ..

يلبسوا توب الغم

يستغربوا ..

لما تفوز بورود النصر .

تناولهم كاسات الشربات

وكأنك دويت لهم فيها المر

واهو مهما يداروا عنيهم

تلمح فيها قر .. وقهر

مع إن طريق الخير

أسهل م الشر

لكن فيه ناس ..

ماهاش في السهل .

إِزْرَعْ أَمَلْ

الكل نازل فيّا هَدَّ
زَرْع .. هَبْد
وانا كل فتفوتة تراب ..
بازرعها ورد
أنا كل حمل يزيد ..
ما اقوللوش اسمك ايه
أشيله وامشى ..
مهما كان بيّا وبِيه
ولما أقدامى بتورم .. ترتعش
أخاف أقف

وأفضل أمد
خوفى ليخلص الزمن
وأنا لسه على شط الحن
أكتم فى صوتى ..
لو سمعته راح يئن
وبين ضلوعى ..
نبض قلبى يتسجن
لو راح يفضفض بالألم
أو راح يقول :
السكه سد .
... ..
شيل السلاح
مادام نويت على الكفاح
واوعى الجراح ..
تتحدى كل قوتك ..
وتموتك
عافر .. وأخرج م الفرق

وان كان طريقك غلبك
دور .. وراح تلقى النفق
والباب إذا ما فوتك ..
يبقى انت أكبر م الجمل
إزرع أمل ..
واياك تبيعه يوم لحد ..

أتسامح غير أتنازل

أتسامح .. غير أتنازل
لكن نتسامح إمتى ؟
وليه ؟
ولمين ؟
لو كنت أنا المهزوم
لازم يتنازل صوتى المكتوم
فى الوقت اللى يرضاه
إلى قالقى من النوم
وان كنت أنا لسه ما مت
لكن خايف م الموت
أتسامح ..

واهى علقه تفوت .

... ..

وان كنت مآمن ..

باللى ف إيده الروح

أعقلها .. وأروح

أبدأ .. وأكافح .

فى حق الله :

لا أنخ .. ولا اتسامح

اليوم ..

أو بكره ..

أو حتى امبارح

من حقلك ..

إنك منى ما تقلق ..

على مالك ..

على أرضك ..

على عرضك

وان كنت انت اللى قالقنى

على مالى ..
وعلى أرضى ..
وعلى عرضى
إزاي اتسامح وأمنلك
علشان اتسامح ..
لازم أطمنلك
صح لغتك؟
أتسامح .. غير أتنازل
وانت بتلف كلمة أتنازل ..
فى ورق أتسامح
وانا فكيت اللفه ..
ووصلت لقصدك .

باقراك

مش كل الدنيا أشرار

بس الأشرار ..

في كل الدنيا ساكنين .

ومادمنا لسه فينا الخير

مش لازم نبقي كتار

لكن لازم ..

يبقى لينا قرار .

... ..

باقراك ..

من عينك لما تقول

واقراك

من وشمك لما تخرب في الأخلاق

واقراك

من نفسك ..

لما ينتهى أى سباق

واقراك

من كتبك ..

ألفَ باء .. ولحد الياء

تتكلم بذكاء

وكانك ضمن الشهداء

وتلبس وش الشر قناع

ويتحلف إن الخير ..

كان جوه الخزنه ... وضاع

دائماً في صراع

ويتنصر كل جنود الشر

واللى بيعاسبك .. أو بيعاتبك

بتقولك إنك حر.

وأكيد حاسس بالذل

طول ما انت قدرت تبيع الصوت

وتعدى الموت

وتعدى البحر ما تتبلش

وتعدى المينا ما تتفتش

وعلىنا دائماً بتيكش

واحنا نسقف ..

ونقول : الله.

لما يموت القلب

لما الدنيا ..

تبقى ليالى ضلمه وبس

يبقى ضرورى تغور

طول ما هى كارهه شعاع النور.

... ..

لما يموت القلب .. ازاي

يفتح شبابيك الحب

إزاي يتقرب .. أو يهرب

إزاي يفقس نبضات الصدق

ويحارب بسلاحها الكذب؟

... ..

لما يموت القلب ..
ويفضل شغال جواك
تصبح تمثال ..
ثم خيال
تتحرك ع الأرض ساعات
وساعات ع المحيط
وقد .. وتهيأ لك
إن انت بنيت
وتجري بالمشوار
في الآخر تلقى سراب
وكانك يابو زيد ..
ما غزيت .
... ..
ولإن القلب الميت ما يخافش
ما يدورّش .. ما يقلقش
هذّ النقش

وانفض العزا ما كملش
واندفن الحى بـدال الميت ..
لما ما طاقش
لما ما قدرش يكون تمثال
أو حتى خيال
إندفن الحى ..
لما ما قدرش يشوف الليل
متخاصم ويا الضى
واهو ساعة ما اندفن الحى
كل التماثيل ..
إتسابت على بعثان النعى..

القرش

فيه ناس ..
تعرف بالقرش تحيب القرش
وإن قسمت قسمة حق :
تاكل أكثر م النص ..
ولا تقلقش
مشغوله ليل ونهار
بالعد .. وبالرص
ولا تغلب .. ولا تتعب ..
طول العمر
واما يتدحرج غصين عنها
القرش ساعات

هنا .. واللا هناك
بتقول له : وراك.
وترجعه جنب اخواته يكن
متعلم فن دخول السجن
وبيعشق ليل الزنانه .. وما يئن
إن خد تأبيده
أو مده جديده
دائماً بيحزن قلبه الإفراج
وهومو .. تصبح أبراج
خايف يسكنها الفقر
له عيون الصقر
يلمح بيها عيون القر
يشكى لها كذب الأحوال
يتقطع م الحلفان
ويقول لها إنه
من دون الأموال
طالع ابن حلال
والعين ..

دائماً ع الصحة وع المال
وهدوء البال.
ودا عنده عيال
ودا عنده جمال
ودا حظه دائماً في رجليه
والدنيا تحبه ..
وراضيه عليه
بالكوم : تديه
ولا تستخسر أبداً فيه
وآديه محروم ..
من لحظة نوم ..
ما فيهاش كوايس
دائماً بيفتش في الجورنان
على سعر اليوم
مرعوب من بكره وم الأيام
لتحطه ف إعلان التفاليس
وتملى تططب على مخاليق ..

ورثت مكتب ..
وف دُرجه الختم
ويوماتي يعلّى ف أبراج الهم
ويدوّر بيني جديد في جديد
ويقر على الى خالى الإيد
أكمّنه ما جربش
إزاي .. يتعذب بالقرش.

صندوق الدُنيا

للمت الحكايات

عبيتها في صندوق الدنيا

وناديت :

الفرجه بلاش.

... ..

: (الفرجه بلاش)

أنا ياما اترجيت

قلمي ما ينقشهاش

ولا يشغل بيها قريب وبعيد

لكنه ..

ما طاوعنيش
دائماً بيحب الخرايش
وأسكت ف لسانه ..
يصرخ ويقول :
ما تعطلينيش
خليقي أعتي الصندوق
واللي بيتفرج .. ويهرج
بعد الفرجه :
مدروش ..
وماهش نقصان.
واللي من بعد الفرجه :
صوته يصرخ غضبان
شاف نفسه ..
وُشاف اللي حواليه
بيكلم نفسه كما المجانين :
طب ليه ؟
من إيه ؟

والعله محتاجه لطبيب

يفهمها ..

ويفهم كل مريض

العله محتاجه ..

نتحدى كل غروب : بشروق

ولا نتشطر في دق المسامير ..

للى ربنا أكرمه بالخير .

... ..

جوه الصندوق ..

فيه طوق

لافف على رقة ..

كل حكاية مكر

إتشمّل فيها الفكر

علشان م يدافع ..

ويرّيح حكايات الشر.

... ..

جوه الصندوق ..
أشلاء شهداء
راحوا .. علشان نفضل باقين
ونحافظ للجايين

— مهما ندفع —

ع الأرض

... ..

وبقينا جوه الصندوق
والفرجه بلاش
واللى حكايته ..
دورها لسه ماجاش
راح ييجى عليها الدور
وساعتها ما تتخباش
إتحمل ..

إلفرجه على حكايتك
من بدايتها لحد ما تكمل
وإياك تتململ

أو تخنق صبرك ..
وانت بتبص ف وش مرايتك
طول مشوارك ..
وانت بتقتل
حاول تستغفر
وتكفر ..
عن كل ذنوبك
لو تقدر
حاول تقبل ..
بالحكم عليك ..
بعد الفرجه ..
واياك تزعل ..
إياك تزعل .

خيول الشعر

يا خيول الشعر ..
كل ما ترعى جوايا ..
يقالى سهيل
ومعارك دواره
بتهد الحيل
وان غبى وسافرتى ..
أتشوق للمواويل
ودموع الفرح ..
ساعة ما تمطر فى المناديل
بأفدّ ..

على قد ..
ما بالهد
وباحضن فى المواليد
واهو كل جديد ..
له عيد
والمعركة لما تطول ..
أو لما تزيد ..
تحتاج أناشيد
والخيل ..
مش دورها ساعى بريد
مادام ..
فى سمانا حمام
واللى فى الرؤيا ..
دوره يكون قدام ..
ليه يسكن بين الخدام ؟
إن همّ .. وقام
لازم نعمل له مقام
ونعينه ..

حتى يرفع راية النصر
مش كل دراع ..
يقدر على حمل السيف
ولا كل الخيل ..
شغلتهما تجر الحناطير
ولا ينفع نبدلها بحمير.

... ..

الحلم يطير ..
لو إنت ما صدقتوش
والشعر يطير ..
لو إنت ما حبتوش
وف قلب المعركة ..
عن غدار ما تحوش
واياك تتنازل ..
علشان تقبض كام ملطوش
إتوكل ..
واوعى تخاف م الصدق

واهو خفنا ..
وشفنا نتيجة خوفنا
واللى بينمّر ..
علشان .. تبقاله أسير
غمالك نور الفجر
بيزن على ودانك بطبول الشر
وانا وانت ولاد الأرض
تتسابق جوانا خيول الشعر
يصهل ... تنهد.
كلمتنا لابد تكون السيف
وشهادة حق
قبل ما نغرق.
وازاي القلب يرق ..
للى بيشنق فى الخلق؟
أنا وانت ولاد الأرض
نقدر نبني .. ونعلى
ونهد اللى بيهد

ياللا نصحص ونفوق

روحنا ..

مش بإيدین حد.

حكاية خواف

بيخاف ..

يفرد رجليه

ما يجيش على قد مقاسه لحاف.

بيخاف ..

لورااح لطيب

مع حد حبيب

وكشف .. وما طالبه بالمعلوم

يوصف له علبة برشام ..

حيجبها بكام ؟

... ..

واتمنى الحج ..
واهو خايف لو سلم ..
على حد من الحجاج
يطلع مبروك ..
يدعى له ينوها ..
ربه يتقبلها
وساعتها ما يلقي معاه
إلى حيث ترى بيه ..
توب الإحرام .
... ..
يتمنى ييجى اليوم ..
إلى يحرمه م الخوف
يستنى اليوم ده ملهوف
لكنه لسه ماجاش
وبيسأل :
إيه فى الدنيا بهلاش؟
لكن .. مالتقاش

ويضحك ...

شاوخوا عليه ،

قالوا : المجنون ..

دا بيضحك ليه ؟

إتليش م الخوف

وف ثانيه طرد الضحكه

وسألهم :

هو بكام؟

هو الضحك بكام؟

هو بكام ؟

هو الضحك بكام؟.

أكون .. أو لا أكون

لو بإيد الهون .. أفتفت
كل حيطه فى طريقى ..
جل ما يصبحش سد
كنت أرمح ..
ما .. توقفنيش رياح
كنت اجيب لليل صباح
كنت أهد بيدى ..
زنازين السجون
مش جنون
(كن بقى أو لا تكون)
دا الكفاح محتاج سلاح

والطريق محتاج عيون
والسلاح :
إيد هون تدقدق فى السبوع
صعب تنطح فى الحيطان
صعب فى قلب الحيطان ..
تفتح بيان.
واللى مشتاق للوصول
يبتدى من فىن ماكان ..
....
كل ما الرعشه ..
فمز كفوفى هز ..

تنفلت إيد هونى منى
ألقى قدامى الحيطان هلو الطريق
والتقى حلمى غريق
بين أكون ..
أو لا أكون.

عشه صفيح

وحكمنا على اللى مالوش فى المال
ما يجيبش عيال
وان جاب :
الحكم عليه بالسجن والأشغال
علشان ..
حتجيب له متين؟
ومشاكله اللى حتشغلنا يوماتى
ما بتخلصش.
واحنا مش فاضيين
والمركبه زحمه ومش ناقصين

واهى ماشيه فى وسط الموج
تتطوح مره شمال
تتطوح مره عين
واللى بيتمنظر بالعزوه
اهم اهو جاله على سهوه :
البيت اتشرخ واتمايل
سندوه اتين حواليه ..
صحتهم على قد الحال
والراجل يعمل إيه ..
ويسكن فىن لعيال ؟

... ..

يرجع من شغله على القهوه
بيدور ع اللى يفضفض له
علشان ما يطقش طق.
والقهوه محتاجه جنيه
بيدعس فى جيوبه ويتصعب
والآخر .. يفوقها ويهرب.
ويقول : على إيه؟

تسند يا جنیه ..

فی عشا .. فی فطار

واهی ست الدار

شاطره وبتعرف تتصرف

يجرى له صاحبه ..

يلحق به

ويقول له : ازای الحال؟

يلقاه متجرح تجريح.

... ..

وف عشه صفيح

سقفها م الهوا يطيح

لم المختار ..

لحمه اللى حيتبحتر ..

من بعد الدار

والعشه ..

كانت ملك حمار

يشيل على ضهره خضار

م الغيط .. للسوق
يجبر .. ويروح يرتاح.
واهو دائماً يصحى كل صباح
ويمثل دوره بكل نجاح
وأبو المساكين ..
يتمنى الستر مع الصحة
إنهد .. وماسكاه الكحه.
ومراته وكوم اللحم..
من زير المر ..
دايماً شاربين
وأديهم ويا حمار ساكنين
وياريت عاجين
خافين ..
يطردهم ..
لو ما ارتاحشى ف جبرقم
ودا شرط اللى سلمهم ..
 $\frac{1}{4}$ العشه .. ف $\frac{1}{4}$ الليل.

... ..

والراجل لما انهد ..

إنهد معاه القرح

إنهد معاه السعد ..

والمطر اللي بيدبدب ..

على سقف العشه برجليه

ويسقط جواها ..

ولا حدش سمى عليه ..

خوفهم خوف

لا حمار الغيط :

ديله يتبل .

إنفض الكل ..

بشويش ...

شالوا لحافهم .. غطوه

واداروا تحت السقف الخيخه

واهو كل ما بيطنر ..

يجروا يجيويه

تعبوا من كتر الجرى وراه

خافين يسيويه

ليحس حمار الغيط
وساعتها يطردهم م البيت
وساعات ..
الصبر يفر .. لكن يعود
وساعات ..
يتمدد جوانا ..
ولا يبقى شايف له حدود .
واهو ساعة ما اتمطع
— إल्ली بيحضن جسمه لحاف —
إرتعش الكل
مش م البرد ..
لكن من الخوف
إتاوب .. طلب الحمام
خرجوا له ..
بره العشه قوام ..
ليكون مكسوف
وانيدروا له خدام :

دا يولع له بابور ..

جلل يذفيه

ودا يجرى يستخن ميه ..

علشان نفسه يحميه

ودا يشحت له صابونه ..

من سابع جار

والصايم قايم يجرى ..

ويحضّر له فطار

علشان يرضى ..

ويعد المدة ..

يوم ورا يوم.

وآديه ..

واقف قدامهم بيدور بعينه

والآخر نهق ،

ما فهموش ..

قال إيه ؟

جری صاحبه وقال :

العشة جالها حمار ..

حياخذها تمليك

روحوا ..

شوفلكو غيرها إيجار.

تحت القبة

كان فاكراً تحت القبة شيخ
لقى تحت القبة طبيب
متجهز للدراويش
وصينيه فته ادوار
لسه خارجه من النار
دور أوماظ
دور قوت الغلبان ..
متحمص على إيد الخباز
مسقيّه ..
من عرق اللى ماتوا م الجوع

متغطيه بحت اللحم
والدراویش ..
جاهزين للهیر
ما فضوش لصلاة الفجر
ناموا لیعد الظهر
واما صحیوا من النوم
یتجمعوا تحت القبه
یتلموا ..
أكلوا من غیر ما یسموا
وانداروا .. ونموا
وصلت لودانهم لعنات ..
ما اهتموا .
جوه الحمام ..
البانیو ملیان
بعطور ... محتاجه أسامیها
ترجمه ومهاره ..
فی کل لغات العطر

وملايسهم ..
ما بتقمعش بصنع ف مصر
واهى صنعت فى أى مكان
فى الأرض ..
إلى اتفجر فيها البركان
أو لما بتوصل للشط التانى من البحر
أو صنعت فى مكان
ما عرفشى يوصل له ماجلان
حفظوا الدراويش العنوان
والعنوان حفظ الدراويش
واهو لما طلبوا .. وقلنا : ما فيش
جابوا السجان
علشان .. يدفعوا فواتير اللبس
وكمات .. يتوصوا بالبقشيش

أغنيه للفرح

كل الفرح ما يغيب ..

طوبله توحشنا

نحلم بدقاتها

ويخضنا سكاكها ..

لو ماجاناش صوفا .

يارب توعدنا

بالفرح والأعياد

يارب تسعدنا

مع شمع كل ميلاد

يارب قويننا

والبدر مهما يغيب ..
يرجع ينور كل ليالينا
يارب تلفينا ..
إلشر والحساد
وكتّر الأحباب ..
يتلموا حوالينا
بالورد .. والفل .. والريحان ..
يجروا ويهدونا
ويغنوا .. ويهنوا .
دمع الفرّح ..
ما تلحقه عينينا .

... ..

بخونا .. سمينا
ورفعنا إيدنا للسمما ، دعينا
يارب تسعدهم
ونشوف ولادهم
يجروا حوالينا .

رجالہ آخر زین

إتخزموا .. واترقصوا

رجالہ آخر زین

یا مَدرسہ

یا مُفلسہ

للی بقوا بین البینین

الوَلَد ضایع یا بلد

تایہ .. مع التایہین

ما عادشی خایف ع البنات

لو جابوا حتی عَمَّتْهُ فی الطین

عایروہ بفدادین التهم

ما اهتم ..
ما عادش يغلّى فى عروقه الدم
ما عادتش بنت العم ..
لاقّيه اللى يحجزها
إلى يقدرها
وهى فى دارها
واللى يعزّزها
ما عادش ابن العم راجلها
ولا عادت العيله
بتعين الحراس
إلا على الأموال.

....

وطبّل الطبال
حزّمها ابن العم
مئلها ابن الخال
وغريب ما بينهم ..
جانب لها خلخال

رفعت له توها ..

جل ما يختار ..

مكانه ..

ويلبسها ما يختار

وزغروا لها الأم والعمه

وسقفوا لها الكل في اللمه

البت ليها معجيين ..

قادرين ..

يحيوا لها لو طلبت

بدل الهديه اتين.

... ..

طخ العيار

— في الجو — جار

لساه بلونه الزاهى ما بهتشى

جر الغريب ..

وقال له : بره امشى

وطل في الحلوه

وقال لها :

إرمي له خلعخاله

الأم صرخت ..

لَمَّت الحاضرين

وقالت لهم : طخوه ..

يحاسبها ليه؟

ما له ؟

قالوا له : ياللا انجر

لايمها .. واخزي الشر

واخرج .. لحنطخك

مالك ومال البنت؟

أملك دى واللا اختك؟

والبنت قالت له :

دا يبقى من بختك

لو يرضى — مين جاب لى —

تصاحبه .. ويحيب لك.

... ..

احتار الجار
وخرج .. وعينه بتطق شرار
مش عارف يعمل إيه؟
مش هاین لحم البنت عليه
لو أكله اليه
أو أى جعان
بيفكر ..
ويدور ف جيوبه ..
ما ييلقى غير الستر
وف حلقه مرارة صبر
بص على الدار
واندار
طل على البنت
واليه ييلف إيديه
حوالين الوسط
إهز بطوله ..
هز النخل ف عز الريح

لو باع الدار..

راح تسوى كام خلخال؟

... ..

بيطل على اللى اتسند فوقها ..

وكان حيطيح

— من تقل دماغه والتفكير —

طلعت عربية نفس البيه

بكفوفه .. هبّد فوقها هبّد

ونواها فرار ..

حييع الدار

ولا يبقى جدار ف جدار

حبروح لبعيد

ولا حيوافق ..

ع الثروه .. وع التجار.

... ..

لساه الرقص وهز الوسط

لساها ملفوفه التعابين ..

حوالين البنت
وخلص .. العصمه في ايد الست
وأهي شايقه دا كله حلال.

هـج

هـج ..
باللى باقى لك جوه دماغك
قبل ما يرتج
كل ما تنفـرج بتضج
كل ما تسكت يغلى الدم
ينفر عرقك
يتكلـع جواه الهم
كل ما تبـلع : تبـلع سم
إلى يعدى ..
راح يقصف لك عمرك قصف

واللى حيرج ..
مش حيغير حظك حرف
بدك تلقى لهمك وصف
بس حروفك قدمت منك
وموديلات اليوم ..

ماهاش

فى قاموسك معنى
ما بتعرفشى تقول : اشمعنى
وبتسمعها ليل وفمار
م البقال .. م الخباز ..
م الفراش .. م السمسار ..
م الدكتور .. م الأستاذ ..
واللى بيهندس فى الدار
ما بتعرفشى تقول اشمعنى.

... ..

ما بتعرفشى تقول : اشمعنى
إشمعنى .. إنت ما تعرفشى؟

إشعنى .. إنت ما تقدرشى ..
تسرق لقمة ف إيد الغير
تقتل حلم .. وتديح طير
تتفنن فى عذاب الكل؟
إشعنى إنت بتكتف
بمبادئ صممها ضمير؟
إشعنى إنت .. وإشعنى؟؟!!!..

....

ومادام مش ناوى تتغير
وحتفضل فى اللوحه ..
وحوالك البرواز
ومغطى وشك بقزاز
تبقى الفرجه عليك ماتسر
واتحضر للخلف ودر ..
تصبح حر.
وآديك حر
من بروازك أخرج ..

عَجْ هومك عَجْ
وان ماقدرتش ..
ييقى ضرورى بسرعه تهج
باللى باقيلك جوه دماغك
ولا تستسلم ..
أحسن همك حييجيب داغك
إهرب باللى باقى لك وارحل
من بروازك.
باقى على عشرة فنجالك
رافض يتبدل بالـ "مَجْ"
هج هج هج هج هج
هج هج هج هج هج.

أبو لعيال

ياموال الغلابه ..

ياللى كان ..

صعبان عليك الحال

منين حيجيب وحيكفى ..

أبو لعيال .

... ..

وكان غلبان

وكان شقيان

وكان عشقه لطول البال :

مخلى حياته غنيوه

حصيرته لون شعور الشمس

مبدوره على أرضه

عليها يجتمع لحمه

وبسم الله يا غديوه

ودود المش ما يهمه.

يناول لقمته لاهمه:

تناولها لكوم لحمه

تقاسمه شريكته في همه

يشيل الفاس.. ولا يهمه

ويعشق أرضه مهما يكون

يصلى الفرض ..

وينادى على الستار

على الرزاق

ينام راضى ..

ويتدفق بتوب موال

لحد الفجر ما يصحيه

عشان يتوضا ويصلى

ويختم تاني دعواته

ينادى اللى بيأيدده بمد في عمره

ينادى اللى ..

يقوى سواعده ، ويساعده

وللسكه الحلال يهديه

يوماتي ..

ما يمل القول

ويفرح ..

لما باله يطول

ويقتل في الحكاوى الغول.

... ..

بيدعى ربنا يبارك ..

وبارك له

ويدعى ربنا يستر ..

بكل الخير :

يجيب الكل في سيرته

ويدعى ربنا يرزق.

عطاه عزوه ..
وبركه ف لقمته ورزقه
ويدعى ربنا ينتجى
يزول الشر مهما يكون
ويشكر ..
رب هذا الكون ف مواله.
ووسط جيرانه وغياله
يحفظهم أصول الدرس
يعلمهم مواويله ..
يبات الكل يدعيه.

نام الضمير

الليل بیشکی کتر کواييه
ييسأل على ونيسه ..
تاه ..

واللا راح غضبان؟
وكان زمان ستار
وكاتم الأسرار
دلوقت ماله لزوم ..
يستر ويتستر
من بعد ما اتبحتر ..

إلسر بين الناس

ولا عادشى جوه البير

نام الضمير

أصله بقاله كثير

صاحى ولا نامشى

وقفوا له بالكرباج

وقالوا له :

ياللا امشى

شوف لك صحاب غيرنا

وياريت تغيرنا

وتنام بقى وترتاح

الظلم فينا طاح

طرنا بنص جناح

ما قدرنا نعلى ..

فوق جبين الأرض

مادمنا بعنا العرض :

يبقى ضرورى ..

نشترى الكوابيس .

الرزق اتوقف

إتشعبط ..

وركب ع الكتف المهم

ساعة ما الرزق اتوقف

ولا وقفتش الطلبات

وبتفقس .. ولا بتقل

وعيون الدين بتطل

ولا بد نراضى الكل.

... ..

واهو فتح الباب

واترص ف وسط الركاب

ووصل لبلاد الغربه
لا اصحاب
ولا صوت أحباب
الصبح يجز الليل
والليل ما يحب الصبح
ويطوّل في المواويل
والمناويل ..
ما بتسعفش العين الهلكانه من الدمع
إتلخبط عنده السمع
من كتر ..
ماهو دائماً يحلم بالصوت ..
الخارج م القلب
واهو كان ..
بيغنى له تملى ..
يخلى الصعب يهون
كان دائماً يحلم ..
يخلع هم الدين

والدين : له إيدين
تمسك ف خناقك
وتجملك فى المنامات
تعزم لك كوايس
فى الضلمه تفزع
ما فى إيدهاش فوانيس
وتقول لك :
إصحى ..
اتصرف.
ترمى غطاك لو عز التلج
تاخذ ديلك فى سنانك
وتطير طيران
على أى مكان
ياخذ منك ..
ويردك ..
بالجيب مليون
تقابل ويا الديان

وتفضى جيوبك قدامه

ترجع لغطاك

تتمنى طولك يكفيك

ويدفك

والحلم ساعتها يجيك..

من غير كوايس .

القوت الوقت مش بالمجان

جوه الدكان ..
القوت مش بالمجان
والقرش عشان ..
م تطوله الكف ويبقى حلال
لابد .. ينهد الحيل
ولا نتعب م الموايل
بنجرجر ف ولادنا تجرجير
من ساعة ..
مادخلوا عش العصفير
ولآخر مشوار الفصب
وبندفع ثمن المشوار

لجميع التجار
م النفس اللي بيخرج زهقان
م البدن اللي تملى مهدود ..
م الجرى وعرقان
من جيب الغلبان المتشطر
إلى ماهش كسلان
وبرفض يتلقى الإحسان
حواليه ..

ممدوده إيدين
علشان يديها ويرضيها
وتقلل م الفرحة عينيها
حواليه ..

ممدوده إيدين
بتقلب ف جيوبه
ما تفوقها شمال ويمين
وبتاخذ منه
لو إنه

وياه ملیم
وبتعرف ف ثوانی الملايين
ولاحد يعطلها
ويقول لها : راح فين؟
والفقر جبان
والجوع .. وحش وزهقان
يهجم ما يشوف
ولا يعرف خوف
وكفوف ..
بتدق دفوف
وكفوف بتشيل الفاس
وكفوف ..
قابضه على السيف
وكفوف قابضه على الكاس
والناس ...
مش كلها ناس.
... ..

م اليوم تبدأ وتعد
وتشيل الحيطه السد
دمعك ..
ما جيمسحه حد
والعيب يفضل ع الخد
الظلم مخالبه تصيد
والفجر تملئ جديد
وان هل أوان العيد :
روح صبح ع السلطان.

مساكن همّ

مش محتاجه احلف ..
واتقطع م الحلفان
علشان تعرف ..
إن عروقي عكارة دم
جوه القلب مساكن هم
جوه كاسات الشربات سم
رافضه الشمس تغيب لو يوم
بس اهي غابت
وشعورنا ..
م الصبر اهي شابت

واهو لساہ مرتاح نعان.

... ..

مش محتاجہ احلف ..

واتقطع م الحلفان

علشان م تصدقوا إننا

قَتَلنا النيل

وما بقينا ملو حفان

واتلخبطت الصورة کمان

مابقاش القمح بيتمايل ..

ويا القطن ..

وسط غيطان

ما بقتش الکوانین بتنادی

م الفجریه ع الغلبان

ما بقتش الفرخه ..

ساعة ما الطلق يجيها ..

بتكاکی بصوت

من خوفها تتقتل قتل ..

ويجيها الموت
ما بقتش الغلبانه بمانه
خلاص فرحانه
بعد ماهدت حيلها ..
وربت في الكتاكيت
ليل وفار ..
اهي نازله صويت
علشان جُم
هجموا على بيتها
وخذوا كتاكيتها
وفراخها .. وديوكها الصاحيه
واللى طالتها
قوام دبحتها
خدوها كمان
واللى هربت عند جيران
برضه جابوها
واللى ف عز الطلق بتألم ..
جروها

والديك ما اتقناش بأدان .

(كان الغدا راح يبقى تمام

مره فواخ

مره حمام

مره ..

ذكر البط مزغط ويا برام)

بعد ما هجموا

بعد ما لموا خير الدار

ما اتبقاش ..

غير زلعة مش

أو طبق الفول المكون

لو كان لسه كمان ما حمضش

حتة لفته .. وقشقة عيش

ما تغديش

وان سدت في ساعتها الجوع

بكره حتمشى ..

وما حاتجيش

كانت تصيره للكل
على ما تجهز ست بهانه
أكله ف قاعده زى الفل.

... ..

وسط عياها
تدعى .. ويصبرها راجلها
حسبي الله
في المر اللى احنا شربناه.

فلسفة مسئول

إن كان اللي معاه

لساه ..

عايز أكثر

طب يعمل إيه ..

إللى ما حلتوش ..

غير كام ملطوش ؟

لو حيجيب .. بهم عيس
يلقاهم ما يكفوش.

....

دق الغلبان الأبواب

من بعد عذاب ..

وافقوا يقابلوه

سمعه

وأخيراً نصحوه :

إلى معاهوش

دا ما يلزمهوش

... ..

تعليم على إيه؟!

لا حتبقى باشا ..

بين الباشوات

ولا حتى حتصبح ييه .

... ..

وسكن؟!

طب ليه ؟!

راح تدفع فيه

تخويشة العمر

والآخر يطلع قبر ..

ساعة ما يمّل بيك

يرميك في البير
يصرخ لك فاعل خير
بدُّه يغيتك ولا يقدر
واللى يغيت لما اتأخر
حيقول دا قدر ومصير.
طول يومك ملك الجامع
واهو أولى انت تنام فيه.

... ..

واللبس !؟
يا سيدى تعالى
شوف لك حاجه على قدك
م اللى بيقلقهم همك
وجابوه .. واتبرعوا بيه.

... ..

حتقول : أركب وانتقل
مش خايف م اللى بيحصل !؟
نقى لك أى مواصله

تلاقيها خطر ويتقتل

دا المشى كله فايده

إلا المشى البطال.

... ..

إيه تاني عايز له فلوس؟

العيش الخاف مش عاجبك؟

يعنى أنت عايز له غموس؟!؟

دا انت ربنا بيعحك

علشان حرمك .. ولا دارى

طب هات لى غموس ينفع لك

ما فيهبوش سرطان ..

ما فيهبوش فيروس

ولا أكله يجيب النقرس

ويجيب لك تخمه كمان

وساعات يقلب بجنان

دا ان جالك بالجمان :

إهرب منه .. ولا تاكله.

إيه باقى ياسيدى وقالقك؟

علشان دخلك على قدك؟

لو قمرض مش راح تقدر

تعالج؟!

ودا مكتوب.

بقى عايز يبقى معاك

وتروح مستشفى خصوصى؟

دا انت تدخل بالعله

يجيبوا لك كل الشله

قلبك لو حيقول : آه

راح يجروا .. ياخدوا عزاه

واللسته لكل مريض

هياها ما تتغيرش

سكر .. مع ضغط .. وجلطه

وحاجات تانيه ما تنقالش

فى الآخر لو جيت تخرج

يقولوا : دخول الحمام

مش زى خروجه يا بيه

تدفع ١٠٠ ألف جنيهه

والباقي يبقى شيكات

وان قلت : فقير معايش

واعترفوا بـيك شحات

بيفككوا جسمك كله

وعليه يجرّوا .. ويتسلّوا

وأخيراً ..

يقفّوا يصلّوا

علشان الخلصان مات

ويجيّوا أهلك يعضّوا

طلبات ..

وكمّان إيصالات

والسجن يرحب بيهم

علشان الدين ما ييات.

... ..

إلى ما حلتّوش

راجع يجر ف رجليه
من وسط زحام اللى معاهم
بيفوت
ويرن ف ودنه الصوت :
إلى معاهوش
دا مايلز مهوش.

إنت اللى قتلت

إنت اللى قتلت بابايا
وقتلت الحلم النونو
قبل ما يكبر ويايا
ودخلت الدار هذيتها
وانا أصرخ :
بس .. كفايه
والكل الخوف لبشهم
رفعوا للجاني الرايه
يا بصره .. يا بغداد
ولبسقى سواد فى سواد
وحصد فينا اللى حصدنا

ولا قدّم حدّ حداد
من بعد القدس ما ولّت
وخذت كل الأجداد
وفاتولنا يوميهـا ^{صبيـه}
بتقول لنا يا أحفاد
ما تفرطوا مهما يكون.
واهو تارنا فات ..
ولا مات

ورقفت ف وش الجنائ
حجروا عليّ إخواني
شهد الكل على جنائ
وانا إيه اللي بإمكان؟

... ..

رغم ان الحق معايا
والجد عليه وصاني.
وأبويا ف حلمي ناداني.
إنت اللي قتلت جدودي

وانت اللى قتلت وجودى
وانت اللى عرفت العله
ما اقدرش اتحمل ذله
وانت بينا بتتسلى
ولكل بدايه نهايه.
وصّيت كل الكتاكيت
ما يآمنوش للحدايه
وريتهم صورة الجاني
قلت لهم : غنوا ورايا
إنت اللى قتلت بابايا
إنت اللى قتلت بابايا
إنت اللى قتلت !!!.....

إوعى تسلّم

إوعى تسلّم

طول ما النفس الخارج ..

قادر يرجع تاني.

... ..

إوعى تبيع أحلامك

وتقول ماهاش عازه

كل ما يقدم حلمك ..

هات له الحلم الطازه

كل ما يهرب دمك ..

لما تشوف الغول

نادى ع اللى خالقك ، قول :

(يا حي يا قيوم)
ربك نظمها .. مش فوضى
لما تضلم : قوم اتوضا
واغسل همك ..
كله ف سجده
واوعى تقول :
إيه اللى رمانى؟
لو مظلوم راح تصبح جاني
لما تفرط
أو تتورط
كل الجرى عشان اللقمه
واللقمه إن زادت
راح تعمل لك تخمه
واللا الهدمه
كله بيستر ..
بس ساعات الناس مش فاهمه
واللا النومه سواد الليل

لو فرشك دا حريير في حريير
تضمنن إن النوم ما يطير؟
واللا ركوبه تشيل وتخط
برضه حتوصل لو مكتوب لك
يبدأ قبلك ..
يوصل بعدك
علشان ربك كاتب إنك
إنت الأول
واياك ع المكتوب تتكلم
إوعى تسلم.

قبل صلاة الضُّهر

ورميت نفسي
جوه التاكسي
قبل ما يفلت مني ويمشي
لجل اوصل في معادى قبل صلاة الضُّهر
حجة كل موظف متكفف
ع المكتب ثلاثين يوم
يتعذب ويعذب في مخالفات الله
عزَّوه هو واللى معاه
عينه ف جيى بتفتش ع اللى جواه
لو معايش

لو ما اقدرش أقب وأغطس
واطلع بالمعلوم واستذوق
تبقى مراكي ضروري حتفرق
لازم ألحق
واعرف سكة مين الشاطر اللي بيسرق
ومعاه رخصه
سارية متجدده على طول
جل أطول
حقى الضايح
أجرى ورا اللي ينهب لو نازل أو طالع
واللي معاه السر الباتع
يعرف يكبش
من غير خوف
يعرف يرعب إلی يشوف
ولا يعجبهوش الشوفان
صوته العالي
ما يُقلش لحظه انه جبان

يرعب صوت الحق قصاده
وخصوصاً لو كان غلبان
قبل صلاة الصُّهر،
الكل اتوضوا وجربوا
لف سؤالي جوه حيطان
مسكونه بكراسى مكاتب،
طفشوا صحابها ومين يبحاسب
ويصرخ صوت التليفون
وانا وياه
كل ما الف وأطلب حقى
صوت الكل يقول إزاي
واما رضيت استسلم واتعلم واتنجر
ولا أتعب نفسى وأفكر
ودفعت المعلوم أو أكثر
إلى إتوضا، قبل آذان الصُّهر بحجّه
جابلى الشاى والحاجه الساقعه
ونسى يصلى

وحلفلى لو يقدر يسهر
جل يجيلى الحق التايه
عمره عفى ما حيتأخر
قبل صلاة الضهر ما تخلص
حقى رجلى
والجاني،
كان هو الأشر.

لولا الضلمه

لولا الضلمه
عُمر الشمعه ما كان يبقاها ضئى بهم
هم وأنقض كل هم
وافرد طولك ياللا يا عَم
واوعى تطاطى لجل تلم
عُمله حدفها لك مملوك
خلى جبينك دائما شايف وش الشمس
واوعى تنوح ع اللى يعدى ويفلت منك
حوش صبرك
واللى يخونك ، ولا يخلصك

إوعى يهزك
حَوْشَ صبرك
وادفن قهرك
جوه القلب
حقى يتفجر من كل جبل بُركان
ومظاهرات الموج تتحدى كل سكون
يجرى العاقل كالمجنون
يصرخ صوت الصبر ويزعق،
بعد ما كان جواك مسجون
يلمع سيف النصر الطايح،
تحت الشمس
إوعى تصالح ، إوعى تنخ
واوعى تميل
قوم واتحدى
بُكره بعد النصر حتحلف
هَمْ وعدّى
ياللا الفتح حصالة صبرك

واخلَص من تحويشة عُمرِكَ
إِخلَص من عارك والذُّل
إِخلَصْ
يُخلَص لِيكَ الكل.

معوج طريق الموج

من فين اجيب الصبر بعد الصبر

بعد الصبر،

غرقني بحر القهر

وناديت يفتوني

قالولي : بعد الشر

.....

المركبة أجره

والدقة ملك الغير

واخداني فين ماتروح، وهاده مني الحيل

معوج طريق الموج

وازاى اداوى عوجته وطيشه

لا دفه ولا مجداف
ملكى ولا ف يدئى
وانا كل ما اصرخ للى مالكمهم
يعدل طريق الموج،
ما يطيعه فى العوجان،
الموج يقول : انه مخاوى الجان
يخوف الدفه ، ويرعب المجداف
يفوتوه يمرجح فى المركبه تمرجيج
وانا فيها باتفرج
تميل ، واذا خرج
أنا واللى ويايا
واللى بيضحك واللى بيهرج
لكنى شافه
إلى غاب عنهم
يا "زرقا" قوليلهم
مش كل عين بتشوف
يا قلبى يا ملهوف

يلمح عيون البر
من فين اجيب الصبر بعد الصبر
بعد الصبر
غرقنى بحر القهر
وناديت يفتونى
قالولى بعد الشر.

البيه الدكتور التوب

البيه الدكتور التوب

مره يسب ومره يهب

بيولع في سجايه ويولع في الخلق

هو السيد لما يقول

يظلم ينصف إالى يحب

والمظلوم،

ياللا يغور

والبيه الدكتور مشهور،

إنه لا يحن ولا يرق

ضهره المسنود مش ببلاش

الرحمة ما يقبلهاش
وما يقبلش معاها حاجات
والكشوفات
بتعظمه
ويتختمه، بالعرشه وتقول : لومات
ما حيلقى إالى يمشى وراه
ناس لقمتهم، متعلقه على ختم الدار
والدكتور ..
"توب" ولازم له أسرار
بتخليه يقدر يختار
مين حيفوز، بالتأشير
من غير حيره
واهو شوف كام؟
بيعديهم بحر غريق
واهو شوف كام؟
بيغرقهم جوه البحر!!!
واما بختم الظلم يقفل ع المظلوم

يتحرك صوت الغلبان ، المكتوم
ويقول حسبي الله من قلبه
يلبس توب الصبر لحد ما يتصفه ربه
والبيه الدكتور يجمع في المعلوم
لما يتملى كرش الدرج
يبعد وياخذ ويوزع ع الأحباب
ويقفل كل الأبواب
في وش اللي ما يرمى بياضه جوه الدرج ، الكوة ما حُصِرَ به عليه
ولا تُدَامه من حوالية
ده اللي فوقيه
واللي فوقيه
لو ما كانوش في الهوى أحباب
كان حيفور
أو ...
كان تاب .

ماحد من حقّه يبيع

اللعب بحقوق الوطن
يحتاج مشانق للى ساوم
واللى أهداله المن
واياك يفر
الورث ورث الكل
حراس جميعنا ع الميراث
ما حد من حقّه يضيع
إلا بسيف الحق
حراس جميعنا ع الميراث
واللى بصمنا له على التوكيل

ما سمعش صوتنا
لما قولنا لا
سدوا ودانه إल्ली شهدوا معاه
على عقود البيع
ماحد من حقه يبيع
ماحد من حقه يضيع
واللى يخالف، يستحق الشنق
يا خلق..
الكل يقول لأ
لا كن بصوت أخرس
مرعوب ، من اللى محارطينه بغناوى اليأس
وبس
سمع وهس
الورث لما اتباع
كل اللى كان شعبان
من الحلال اهو جاع
واتحاربت المصارين

ومين يسابق مين؟
ويفوز في تفانين الضياع
يا مركبي
هَذَا خنّاق الموج
وضيق خُلُق الشراع
وازاى اطول الشط
دانا لما حلمت
حلمى كان له شرط
لا أبيع ولا أخرس
ولا أسلم مركبي واخلص
ولا يدب
جوه قلبى الرعب
مهما يغيب البدر
بيطل ويعاود ،
دايما يوفى الندر
دايما يعين الله
إلى ناداه
واستعان بهداه

رافض يكون عبد لسواه
واللى نسى أو تاه
ينزل فى بحر التوبه يتطهر
يشهد شهادة حق
يطعن غناوى اليأس
يغرف لنفسه فى طبق ذنبه
من كل قدره هم
ورزعها ع المساكين
يدفع ، يرجع ، اللى ضاع واتباع
يا مركبى
لا بتهربى
ولا قادره تنسى الحلم
شوفى اللى يفرق كاسات السم
على اللى ليهم فى الحياه أحلام
صمت وطلبت ، ينهدر دمه
لا كن ماهمه
واللى يهمه

إن عمره يطول
جرى عليه ضمه
من بعد موت الحلم ،
مين يفتكر بُكره؟
مين يندهه ويستعجله؟
مين يرسمه ويلونه؟
من بعد موت الحلم،
مين اللى ما نفسوش
لو جاله بُكره..
يقتله!!

لا نوم ولا صحيان

الحرب لما ابتدئت
كانت عيونها اتظبطت ع الولد
حقنت سمومها في العروق ، والعضل
وتحت الجلد
واللى انبى في سنين
في لمح غار، وانهد
وانا والله ما قصرت
في عزِ عزِ الليل
قلقى مصاحبى

لا نوم، ولا صحيان
ولا راحه ليها أوان
صوت حلمي يرسم صورته بالألوان
للولد واقراها بنبضاتي
ويوماتي أروى كل نبتاتي
بعضير خلايا القلب
والولد مش دريان
ما اقدرش اسلم
مهما رعبتي غارات الحرب
ما اقدرش أفرط في حقوقه الولد
ما اقدرش أعرف إلی باقى م النفس
كام حرف
كام كلمه
كام غنوه،
كام موال.

کات لسه قُطه

کات لسه قُطه
یدوب عیونھا مغمضه
واھی برشت
واقطعت
ولما عینھا صحصحت
مدت إدیھا ، لجل ترسم حلمھا
فوق صفحہ من توب النهار
وانا جنبھا
قلبی مز قُطط قبل ما اقرا الحلم وابدأ افسرّه
رسمت طریق

في غابه داخلها بطبول
ولابسه تاج الملك من أول خُطى
طلبت، ع الحلم واتوقفت
وطلبت منها تشطبّه
وترسم جديد
طريق أمان، ما فيهبوش غيلان
لكنها
فاكره مدام صحيت وعينها فنجلت
راح تبقى فارس فوق حصان
يتحدى بالسيف الفشل
والغول
لسّاها ألوانها وصفحتها
ماشاغبوش الحياه
وانا بانتفض م الرعب
ساعة ما اشوفها تشب
وتطول نجوم السراب
ساعة ما تتحدى النهار

بضباب

ساعة ما ترفض تدخل الحلم

اللى راسماه من ستين

علشاهما نبضات فرشتى

طريق بدايته بسمله

وفهايته عيش تنوره

باليدر وتدفيه شمس

ما تنحى

طول الطريق

ما ترمى ف حضن الغيلان

ولا مره يعزمها شيطان فى حفلة

وتفتخر بمصاحبه

مهما الطريق يبطول

راح يبتدى بالبسمله

وينتهى بدق الطبول

ترقص على صوفا الخيول

يا قطى ..

ما تودعيش النبض جوايا
ساعة ما أبدأ بالدعا
يمكن يكون لك منه يا قُطه نصيب
يفوِّقك من حلمك اللى
خوفى لحظه ، يفرقك.

قوارب من ورق سى فى C.V

العمر ضاع منى
وانا لسه باقى
فى هرم سى فى
ولا بخلت عليه
وانا بعد ما بنيتُه
لقيت تابوتى فيه !!
بينى وبين الفرح تار بايت
مهما أجيب واهاديه
يا كاره الأحزان، وتوب الليل،
وآهة المواويل

أنا بدى ازغرد للنهار
وامسك في إيد الشمس
وهي بتزفه
أطير مع العصافير
وأحط على هرمى
وتورثه من بعدى عصافيرى
وتفتخر ، يوم بيه
بنيت أنا وعليت
ومن بنايا جنيت
شهادات ، دروع ، ووشاح
وكتب بتكلم
تفرح وتنالم
وجراح تصحى جراح
ناديت ولادى لجل أقسم بينهم التركة
قالولى : [يا أمه تقدرى بده وده
تجيبيلنا عيش وفرش وركوبه
يا أمه معاشك لو نزل للسوق

سامحينا ، راح يرجع بزنبه
فوتينا م السى فى
وكفايه عشق حلم
وأديكى حقيقته
إحنا لنا أحلام
بنعيشها لما ننام
تحتاج سنين قدام
والعمر ما يقضى
لو كنت جمعت
جوه البنوك ، دولارات
كان حلمنا يقدر، يعيش
لكنه مات]
إتكتف الصوت الطليق
والكل بينكس رايات النصر
وانهدت الأهرام
وانباعت الأحلام
والدمع من عيني ما عادش يفر

ساعة كفوف الكل ما تسقف
وتعزف الألحان
ده الكل وسط الموج
إيه اللي حينجيه
مجاديف من الدولارات
ولا قوارب من ورق سي في ١٩٩.

واحشنا يا عيد

واحشنا يا عيد، بقالنا كثير
بتبعنا من حداثك مراسيل
تقدم عذرك المرفوض
لأن على الحدود ، منعوك تعدى لنا
نسيت تاني جواز سفرك ؟!
يا عيد دايمًا كده نسأى
طب احنا إزاي
نقصي العمر من غيرك
ما نقدرشى نخطيلك ولا نجيلك
عشان بيئنا وبينك

إلجبال ، والأمر...؟؟
فتحنالك يا عيد أبواب
ولا جيتنا
بعتنا لك طيور متعلمه لغتك
توصيك ع الجواز، وتخفف النسيان
بقالنا زمان
نجيب سيرتك
ونتحمل ذنوب النم
وشيلنا في غيابك من جبال الحزن
سلاسل فوق تلول الهم
كثير يعنى
علينا، إننا نحلم بيوم العيد؟!
وخلع ملابس، للحداد، عتت
كثير نتمنى يبقى العيد ، ماهش نساى
ويلقى ع الحدود، أصحاب؟!
موايلك قديمه ياناي
وعشق قلوبنا كل قديم،

ما عاد عاؒب
بنتألم؄ عشان المال صبح سايب
ويتحاسب
قليل البخت
زعيم التخت
يوزع نقطة الهيصه
على الفرقه
ده بعد ما يهر الهيره
ويخرج للى واعدهم؄ يقول بُكره
وبكره؄ راح يجيب العيد
زعيم التخت صاحب بخت
والفرقه؄ ماعادت عاتقه وانسرعت
وفى المعازيم
يتيم أؒر رُقع توبه على النوته
حياته ألف حدوته
بيطفح كل يوم كوته
فى وسط الهيصه تخرم ودنه زغروطه

يصحح ، يتسم للكل
يخاف لو همه من جوه عيونہ يطل
ويلمحها زعيم التخت
يقيموا اللى محارطينه عليه الحد
يجيبوا عاليها واطيها
ويلقى السقف فوقه اهد
يخاف ويسرعه يلايمها ويتسم
يغنوا يهللوا للعيد
يهلل زيهم واكثر
ويتحزم ويتشطر
لكنه يلقي دمه غصب عنه يفر
وينده نايه والموال
ماهش قادر يتنه فى زفه كدابه
ماهش قادر
ياجر بسمه او ضحكه وزغروطه
على النوته
لحد الهيصه ، ما تعدى
ويجي العيد.

رحلة التوهان

لما تتسلسل مواويل الشجاعة
لما يبقى الخير متلثل
واحنا قاتلانا المجاعة
لما تاخذنا الشهامه والشهاده تبقى زور
والدفاع عن كل ظالم
يبقى في غاية البراعه
يبقى فين شط الأمان
يبقى ليه نحلم بحلم يعيش ويكبر
حلم أخضر
إلى بـ

هو نفسه إالى يىكوا
واللى بىمصمص فى حقى
بكره ىذّور علىكوا
فوقوا لىل ىفوق وىصحى
وىداوىكو وىراضىكو
فوقوا لىلن تاخذوا منه
إالى مضّاكوا وبصّمكوا علىه
واما قولتوا احنا ما بىعنا
شهدّوا غىركوا علىكوا
قبصّوكوا كل ألوان العذاب
حقى قولتوا
خلّصونا
سكنونا فى التراب
كل واحد له كتاب
كلنا فى رحلة التوهان صحاب
كلنا فى رحلة التوهان
صحاب.

القمر

القمر السَهْرَانْ
لا يَحْجَلْ مِنْ عِشْقِهِ لِلنَّجْمَاتِ
وَلَا يَخْصُهُ نَوَاحِ اللَّيْلِ.

سيفى

أنا سيفى بيقَاتِلْ
إلى يِعادى الحَقْ
واللى يهرب م الشَّتَقْ.

القاضي

لما القاضي عرف القاتل مين ..
ولسائه ما شهدش عليه،
ونطق بأسمى المظالم
أولاده صبحوا قابيل وهابيل
وازاي يستغرب ع الخلفه.

النجاح

مين اللى قال :
إن النجاح ، صُدفه
طب فين طريق الألف ميل؟.

شهادة حق

ما اقدرش أفرط ف شهادة حقّ
إن كانت آه
أو كانت لأ
ولأ أحبّش اشوفها بين الاتنين
ولا خرسه وفاقدته الصوت
حتى لو جاها الموت.

الناس

الناس..
عبّاهم الهم كثير
خلاها يضلّم جواها
ولا عاد ، يفرحها صوت المزمار
ولا عاد يبهز النبض هموم الأرض.

إِسْتِفْهَام

من إِمْتِه النار، تتصادق وِيَا المطر الغضبان

من إِمْتِه الشمس ،

يركبها سحاب؟

من إِمْتِه نَأْمِنُ لى جِه م الشبّاك

ولا خبط يوم ، ع الباب.

فِي الضَّلْمَةِ الْعَتَمَةِ

فِي الضَّلْمَةِ الْعَتَمَةِ
الْعَيْنُ مَا تَفَرَّقَ بَيْنَ اثْنَيْنِ
لَا كَيْنَ وَدُنَى بَشُوفٍ
الصَّوْتُ جَائِلُهَا مَنِينٌ.

الحق هو الحق

قتلوا القتيل
وفى الجنازه ، لبسوا توب الحزن
واتصعبوا ع اللى انقتل
واللى انقتل ، ما كانش ندل
ولا كان جبان
كان له لسان وصهيل حصان
ما يلجموش سلطان
واما انطلق ، اتحضر السجنان
وقيامه قامت
والتهمه كانت

اللسان الفالت
والعدل بيته كفة الميزان
تطب تعلن فوز الحق بالجلوله
الحق هو الحق
جواك وجوايا
ساعة ما عينك تشوفك
من ورا مرايه
يسكنك رعب اللي خان
واللي يطفف كفة الميزان
واللي مخاوى الجان
والطاعه له والأمر
ما يخالفه يوم سجان
ساعة ما عينك تشوفك
من ورا مرايه
يسكن الرعب ف كرات دمك
ينولد همك
مهما حتعمل، إنه مش همك

تتمنى لما تغمض
ينولد حلمك
تلقى كابوسك مصاحبك
ولا ينولدش الحلم
بتغطى غول الهم
بلحاف مزوق من كذب ألوانك
علشان ما يشمت فيك
كل اللي له في جراب خيانتك تار
لا أنت بتقدر تنفسل جوه نمر التوبه
وتقضى بقيت العمر تستغفر
ولا انت قادر توقف لحظه كراييجك
واهو كل ما تقتل ، بتسأل
عن معاد الطلعه ومكانها
ورا القتل تمشى
دايما في أول صف
لاكن قليل الحيله إيه يعمل
ومين ياخدله النار

ولأمته يدفن همه في المواويل
ويكوم المناويل
فات الكثير واحنا علينا كثير
علشان ما نوصل وتقصر
يا طريق الألف ميل.

إِطْلِقِينِي مَا تَخَافِي

بعد ما طلعت الهرم
إنخيت!!
جل آخذ بنق من كفيها واطلّعها فوق
واما وِصِلْتِ
كف من كفيها زغزغت النجوم
كفها الثانية المعانده
نزلتها لجل تطلع واحده واحده
دون مساعده
إنزوع في نبض قلبي
حزن يرويه الألم

بتقى إالى لسه باديه $\frac{1}{4}$ خطوه بالقدم

رافضه أبقاها سند

بدّها توصل لأحلامها بسفينه م الفضاء

كل يوم تخرج بثوره قد بيها إالى ابتدى

كل يوم تشطب على حروف الرضا

واما باستغرب تقوللى

بكره أصبح نجمه تضوى

فى سما أحلامى وحدى

حلمى انا راسماه بيدى

مش بيد ، أى حد

أمى انت رسمت حلمك

واما حقيقته نجحت

اتركينى لجل أنجح

إطلقينى ، ما تخافى

حلمك إالى انت دايم راسمهولى

حمل بدى انتره من فوق كتافى

إطلقينى ، ما تخافى

حقى إنى أعرف الدنيا واشوفها
بدى اطر زى الفراشه وأطوفها
كل ورده لما اقرب منها تتلفلج بخوفها
بدى أبقى وأبقى وأبقى
واللى انا حققته كان كله عشانك
بدى احقق شئى عشانى
جربىنى لحد بكرة
واسندينى، لو تحب
لوحتى مهما راح الخطها واشخبطها بيدى
هى لوحى ، شجعينى جل أبدى
جل بكرة تبقى ألوان وريشاتي
شاطره ترسم حلم وردى
سكنينى حُصن دافى
واطلقينى ، ما تخافى.

لإمته نحبك بكل الجنون

برغم اللي بيكي ورغم اللي بيّ
ما نش قادره اغمي عيون بسحابه
ولا قادره ادفن همومي في ترابك
ولا قادره افوتك وأفرح بموتك
وأشمت في كل اللي قاموا المشانق
مصاحبي ضعفي وخوفي عليك
وباتمني أفسى
وأخلص وأنسى،
سنين اتفقنا ع اللي سرقنا
وقلنا حناخد بتارنا
ونارنا

ساعتها حتهمد
لقتك سامحق
ومديق إيدك ، وكان السلام
وتارنا قالوانا عليه السلام
أكيد انت عارفه
وفاهمه وشايفه
وعامله عبيطه
عشان الغيلان
وبدلت صورتك بصورة جبان
لإمقي وامته
لايمنا وبعنا
أديكي بجنبك نقششت ضياعنا
على وش كل السنين الوليده
وغشيق كل حكايات التاريخ
تعبتينا توهنا وامته نفوق
ونقدر نرجع جميع اللي راح
سكتنا وإنتم يوماتي تهدى

وكأبشهُ حقوقنا وللغير بتدى
صبحنا فى محنه
من اللحظه إالى بقى سهل بيعنا
ساومت وقبضت واحنا دفعنا
ولما دافعا
وقفت قصادنا
لإمتة نحبك بكل الجنون
وإخلاصنا ليكى ليه دائما يهون
ولا يساوى عندك
ياريت توصفى لنا طريقة خلاصنا
وقولى بصراحه
غلطت وندمت وفوقت وتوبت
ساعتها تلاقى إدينا فى إديكى
ومن كل عله
قلوبنا تداويكى.

صدر للشاعرة :

دواوين شعر :

- (١) شهرزاد - الهيئة المصرية العامة للكتاب ١٩٨٨
- (٢) عرايس الشعر (مشترك) - مديرية الثقافة بالإسكندرية ١٩٩٣
- (٣) ضفاير الشمس - الهيئة العامة لقصور الثقافة ١٩٩٦
- (٤) الرسائل - ط١ - مديرية الثقافة بالإسكندرية ١٩٩٦
- طبعة ثنية - هيئة الفنون والآداب ١٩٩٧
- (٥) كاس دموع واحد - إتحاد الكتّاب المصرى ٢٠٠٢
- (٦) أنشيد البراءة - الهيئة العامة لقصور الثقافة ٢٠٠٧
- (٧) حبات الحروف - الهيئة المصرية العامة للكتاب ٢٠٠٧

قصص للأطفال :

- (٨) الغابة النظيفة - طبعة ١ - دار المعارف ١٩٩٤
- طبعة ٢ - دار المعارف ١٩٩٧
- طبعة ٣ - دار المعارف ٢٠٠٢
- (٩) مدرسة الغابة - الهيئة العامة لقصور الثقافة ١٩٩٦

- (١٠) حكماء الغابة - حكمة الأسد - الشركة
العربية للنشر والتوزيع ١٩٩٧
- (١١) حكمة النمر - الشركة العربية للنشر
والتوزيع ١٩٩٧
- (١٢) حكمة الحصان - الشركة العربية للنشر
والتوزيع ١٩٩٧
- (١٣) حكمة الفيل - الشركة العربية للنشر
والتوزيع ١٩٩٧
- (١٤) حكمة الجمل - الشركة العربية للنشر
والتوزيع ١٩٩٧
- (١٥) حكمة الدب - الشركة العربية للنشر
والتوزيع ١٩٩٧
- (١٦) حكمة البقرة - الشركة العربية للنشر
والتوزيع ١٩٩٧
- (١٧) حكمة الكلب - الشركة العربية للنشر
والتوزيع ١٩٩٧
- (١٨) حكمة القرد - الشركة العربية للنشر
والتوزيع ١٩٩٧

الفهرس

رقم الصفحة	اسم القصيدة	رقم الصفحة	اسم القصيدة
٦١	٢٠- في الوش مرايه	١	١- مدخل
٦٤	٢١- إزرع أمل	٣	٢- سطر الكلام
٦٧	٢٢- أتسامح غير اتازل	٥	٣- شهادات النصر
٧٠	٢٣- باقراك ...	٩	٤- لحظة سلم
٧٣	٢٤- لما يموت القلب	١٢	٥- لا عتمه ولا أحزان
٧٦	٢٥- القرش	١٥	٦- حتملى مشيى
٨٠	٢٦- صندوق الدنيا	١٩	٧- النور
٨٥	٢٧- خيول الشعر	٢٤	٨- فصّلنا لكتنا
٩٠	٢٨- حكاية خواف	٢٦	٩- حكاية صديقين
٩٣	٢٩- أكون أو لا أكون	٣١	١٠- المسجد الأقصى
٩٥	٣٠- عشه صفيح	٣٤	١١- يا بصره لا
١٠٣	٣١- تحت القبة	٣٧	١٢- مواويل النواح والحزن
١٠٦	٣٢- أغنيه للفرح	٤٠	١٣- صدق يا حال
١٠٨	٣٣- رجاله آخر زين	٤٤	١٤- فضوها حكاوى
١١٥	٣٤- هج	٤٧	١٥- جوّه حلفات الدرس
١١٩	٣٥- أبو العيال	٥٠	١٦- إنت نويت على إيه؟
١٢٣	٣٦- نام الضمير	٥٣	١٧- المشانق
١٢٥	٣٧- الرزق الوقف	٥٦	١٨- صندوق الصدقات
١٢٩	٣٨- القوت مش بالجان	٥٩	١٩- الدنيا مراجيح

رقم الصفحة	اسم القصيدة	رقم الصفحة	اسم القصيدة
١٩١	٥٩- إسفهام	١٣٣	٣٩- مساكن هم
١٩٢	٦٠- في الضلمه العتمه	١٣٨	٤٠- فلسفه مستول
١٩٣	٦١- الحق هو الحق	١٤٥	٤١- إنت اللى قتلت
١٩٧	٦٢- إطلاقى ما تخافى	١٤٨	٤٢- إوعى تسلم
٢٠٠	٦٣- لامتة نحبك بكل الجنون	١٥١	٤٣- قبل صلاة الظهر
		١٥٥	٤٤- لولا الضلمه
		١٥٨	٤٥- معوج طريق الموج
		١٦١	٤٦- اليه الدكتور التوب
		١٦٤	٤٧- ما حد من حقه يبيع
		١٦٩	٤٨- لا نوم ولا صحيان
		١٧١	٤٩- كانت لسه قطه
		١٧٥	٥٠- قوارب من ورق سى فى
		١٧٩	٥١- واحشنا يا عيد
		١٨٣	٥٢- رحلة الترهان
		١٨٥	٥٣- القمر
		١٨٦	٥٤- سيفى
		١٨٧	٥٥- القاضى
		١٨٨	٥٦- النجاح
		١٨٩	٥٧- شهادة حق
		١٩٠	٥٨- الناس

رقم الإيداع
٢٠٠٨/٢٢١٤
I.S.B.N 977-301-145-6

